



Broj: 10/11-38-015145/15  
Tuzla, 17.06.2015.

Na osnovu člana 8. i 23. Zakona o Ministarstvima i drugim organima uprave („Službene novine Tuzlanskog kantona“, broj: 17/00, 3/01, 12/03, 10/05, 3/08, 8/11 i 15/13) a u vezi sa članom 20. stav (3) Zakona o visokom obrazovanju („Službene novine Tuzlanskog kantona“, broj: 8/08, 11/09, 12/09, 13/12, 16/13, 7/14 i 8/14), Standarda visokog obrazovanja i normativa („Službene novine Tuzlanskog kantona broj: 8/06 i 9/08), članom 7. Pravilnika o radu Komisije za ispitivanje uslova za početak rada i obavljanje djelatnosti visokog obrazovanja na području Tuzlanskog kantona („Službene novine Tuzlanskog kantona“, broj: 7/14), Zahtjeva osnivača Evropskog univerziteta „Kallos“ Tuzla, za donošenje rješenja o ispunjenosti uslova za osnivanje, početak rada i obavljanja djelatnosti visokog obrazovanja od 05.12.2013. godine i konačnog Izvještaja Komisije domaćih i međunarodnih stručnjaka za početak rada i obavljanje djelatnosti visokog obrazovanja od 28.05.2015. godine, Ministarstvo obrazovanja, nauke, kulture i sporta (u dljem tekstu: Ministarstvo), donosi

#### **RJEŠENJE**

##### **o ispunjenosti uslova za osnivanje i početak rada visokoškolske ustanove**

1. Odobrava se osnivanje i početak rada visokoškolske ustanove Evropski univerzitet „Kallos“ Tuzla, sa sjedištem u Tuzli, ulica Maršala Tita 2A i 2B, 75000 Tuzla.
2. Univerzitet „Kallos“ Tuzla, u osnivanju, nakon upisa u sudski registar, podnosi Ministarstvu zahtjev za licenciranje studijskih programa I i II ciklusa studija:
  - a) **Ekonomski fakultet** na osnovnim studijama sedam studijskih programa, i to: Opšti (opći) smjer; Marketing i trgovina; Menadžment javne uprave; Turizam i ekologija; Menadžment i preduzetništvo; Računovodstvo i revizija; Menadžment turizma i sporta.
  - b) **Pravni fakultet** na osnovnim studijama tri studijska programa, i to: Opšte (opće) pravo; Forenzika; Bezbjednost.
  - c) **Fakultet političkih nauka** na osnovnim studijama tri studijska programa, i to: Politologija; Međunarodni odnosi i diplomatija; Žurnalistika i komunikologija.
  - d) **Tehnički fakultet** na osnovnim studijama 11 studijskih programa, i to: Poljoprivreda; Inženjerska informatika; Arhitektura; Građevinarstvo; Hidrotehnika; Konstrukcije; Aerodromi, putevi i željeznice; Geodezija; Drumski saobraćaj; Menadžment u saobraćaju; Bezbjednost u saobraćaju.
  - e) **Fakultet zdravstvenih nauka** na osnovnim studijama osam studijskih programa, i to: Sestrinstvo; Fizioterapija i radna terapija; Sanitarni inženjering; Farmacija; Stomatologija; Radiologija; Menadžment u sportu; Sportski trener.
  - f) **Pedagoški fakultet** na osnovnim studijama sedam studijskih programa, i to: Geografija; Matematika i fizika; Razredna nastava - opšti (opći) smjer; Razredna nastava sa engleskim jezikom; Razredna nastava sa defektologijom; Vaspitač predškolskih ustanova; Informatika i tehnika.



3. Konačnošću ovog rješenja za licencirane studijske programe iz tačke 2. ovog rješenja, na zahtjev Evropskog univerziteta „Kallos“ Tuzla, Ministarstvo izdaje dozvolu za rad (licencu) i vrši upis u Registar visokoškolskih ustanova.

### Obrazloženje

Osnivači Evropskog univerziteta „Kallos“ Tuzla - privredno društvo Kallos Handels - und Bau GesmbH sa sjedištem u Beču, Austrija, u ulici Laxenburgstrasse 1- 5/1/14, i Nedeljko Stanković, rođen u Tinji, 1.10.1958. godine, podnijeli su dana 5.12.2013. godine Ministarstvu obrazovanja, nauke, kulture i sporta Tuzlanskog kantona zahtjev za donošenje rješenja o ispunjenosti uslova za početak rada i obavljanja djelatnosti visokog obrazovanja. Ministarstvo je imenovalo komisije domaćih i međunarodnih stručnjaka za ispitivanje ispunjavanja uslova za osnivanje i početak rada i obavljanje djelatnosti visokog obrazovanja Evropskog univerziteta „Kallos“ Tuzla (u daljem tekstu: Komisija).

Komisija je održala tri sastanka 11.08.2014. godine, 13.09.2014. godine i 28.05.2015. godine i dana 28.05.2015. godine Ministarstvu dostavila Izvještaj o radu Komisije sa zapisnicima.

Na osnovu materijala koji su po Zakonu dostavljeni svim članovima Komisije i na osnovu posjete visokoškolskoj ustanovi Komisija je konstatovala da je Evropski univerzitet „Kallos“ Tuzla u osnivanju uz zahtjev priložio: Odluku o formiranju Ekspertske komisije za pripremu Elaborata o opravdanosti osnivanja Evropskog univerziteta „Kallos“ Tuzla; Elaborat o opravdanosti osnivanja visokoškolske ustanove Evropski univerzitet „Kallos“ Tuzla; Odluku o usvajanju Elaborata o opravdanosti osnivanja Evropskog univerziteta „Kallos“ Tuzla; Odluku o imenovanju Komisije matičara; Nastavne planove i programe: Ekonomskog fakulteta, Pravnog fakulteta, Fakulteta političkih nauka, Tehničkog fakulteta, Fakulteta zdravstvenih nauka, Pedagoškog fakulteta za I, II i III ciklus studija; Pravila studiranja na I, II i III ciklusa studija; Uslove konkursa za izbor nastavnika i saradnika za uže naučne oblasti; Prijedlog broja studenata za upis u I godinu studija na I, II i III ciklusu studija; Odluku o usvajanju Izvještaja o radu Komisije matičara; Odluku o osnivanju privatne visokoškolske ustanove Evropski univerzitet „Kallos“ Tuzla; Ugovor o zakupu poslovnog prostora zaključen u Tuzli, između „AVAZ“ Društvo za nekretnine, hotelijerstvo, ugoditeljstvo i trgovinu d.o.o Sarajevo i Evropskog univerziteta „Kallos“ Tuzla – Poslovni prostor 2.758,46 m<sup>2</sup>; Predugovor o zakupu poslovnog prostora između D.o.o Tuzlainžinjeri, Tuzla i Evropskog univerziteta „Kallos“ Tuzla – Poslovni prostor 13.500,00 m<sup>2</sup>; Ugovore zaključene sa zdravstvenim ustanovama (Zubna i protetska ordinacija Joldić Tuzla, Poliklinika „Mediscan“ Tuzla, IBN SINA apoteke Tuzla); Idejno rješenje buduće zgrade Evropskog univerziteta „Kallos“ Tuzla; Dokaz o ispunjenosti standarda i normativa u pogledu nastavnih sredstava i opreme (Kabinet za anatomiju, Kabinet za fizijoterapiju i radnu terapiju, Kabinet za stomatologiju, Kabinet za farmaciju, Kabinet za hemiju, Kabinet za forenziku, Računarska oprema i mreža; Spiskove nastavnika i saradnika po fakultetima; Predugovore sa nastavnicima i saradnicima; Strategiju osiguranja kvaliteta i metode samovrednovanja; Pisama podrške osnivanju Univerziteta od strane drugih pravnih lica.

Komisija je konstatovano da je dostavljena potrebna dokumentacija u skladu sa Zakonom o visokom obrazovanju i Standardima visokog obrazovanja i normativima.

Komisija je provela stručnu ocjenu Elaborata o opravdanosti osnivanja i provjeru ispunjenosti uslova za početak rada i obavljanje djelatnosti visokog obrazovanja Evropskog univerziteta „Kallos“ Tuzla.

Nakon detaljne analize sadržaja Elaborata i priloga, Komisija je konstatovala:

- a) da je Elaborat sadrži sve bitne elemente te da je napisan detaljno i kvalitetno,
- b) da je izvođenje studijskih programa Evropskog univerziteta „Kallos“ Tuzla opravdano,
- c) da Evropski univerzitet „Kallos“ Tuzla ima nastavne planove i programe donesene u skladu sa Zakonom,
- d) da su zadovoljeni kadrovski standardi i normativi u pogledu potrebnog broja nastavnog i drugog osoblja,
- e) da su u ispunjeni normativi i standardi koji se odnose na prostor, namještaj, broj toaleta, te uslovi za kretanje invalidnih osoba,



- f) da su ispunjeni uslovi za realizaciju nastavnog procesa u pogledu nastavnih sredstava, te računarske i komunikacijske opreme,
- g) da su ispunjeni normativi vezani za štampanu i elektronsku biblioteku građu.
- h) da su obezbjeđena finansijska sredstva potrebna za osnivanje i rad visokoškolske ustanove.

Komisija je, na osnovu priložene dokumentacije i uvidom na licu mjesta utvrdila da je postupak osnivanja visokoškolske ustanove saglasan sa odredbama Zakona o visokom obrazovanju i da je obavljen u skladu sa Zakonom te da su ispunjeni propisani uslovi za osnivanje i početak rada visokoškolske ustanove.

Na osnovu činjenica detaljno obrazloženih u Izvještaju, Komisija je dala pozitivnu ocjenu vezano za ispunjenosti uslova za osnivanje i početak rada i obavljanja djelatnosti visokog obrazovanja pa na osnovu toga predlaže Ministarstvu da donese rješenje o ispunjavanju uslova za osnivanje i početak rada i obavljanje djelatnosti visokog obrazovanja na području Tuzlanskog kantona Evropskog univerziteta „Kallos“ Tuzla sa sjedištem u Tuzli. Ministarstvo je prihvatilo Izvještaj Komisije.

Članom 27a. stav (2) Zakona o visokom obrazovanju propisano je: „Visokoškolska ustanova u postupku osnivanja mora zasebno licencirati svaki pojedinačni program koji namjerava izvoditi.“

Članom 1. Pravilnika o postupku licenciranja studijskih programa prvog i drugog ciklusa studija visokoškolskih ustanova na području Tuzlanskog kantona („Službene novine TK“, broj 7/14) propisana je obaveza licenciranja studijskih programa prvog i drugog ciklusa studija visokoškolskih ustanova koje se osnivaju.

Članom 22. stav (1) Zakona o visokom obrazovanju propisano je „Nakon donošenja rješenja o ispunjenosti uslova za osnivanje i početak rada i obavljanja djelatnosti visokog obrazovanja i akta o osnivanju, na zahtjev visokoškolske ustanove, Ministarstvo izdaje dozvolu za rad (licencu).“

Administrativna taksa je naplaćena u skladu sa Zakonom o kantonalnim administrativnim taksama i tarifi kantonalnih administrativnih taksi („Službene novine TK“, broj: 6/12 – prečišćeni tekst).

Na osnovu navedenog odlučeno je kao u dispozitivu rješenja.

#### **Pouka o pravnom lijeku**

Protiv ovog rješenja ne može se izjaviti žalba ali se može pokrenuti upravni spor pred nadležnim sudom.

#### **DOSTAVITI:**

- 2 x Ministarstvu obrazovanja, nauke, kulture i sporta Tuzlanskog kantona
- 3 x Evropski univerzitet „Kallos“ Tuzla
- 1 x Dosije
- 1 x Arhiva



**MINISTRICA**  
**Mirsada Begović, prof.**